

HEADLINES

۱. لیفٹیننٹ گورنر منوج سنہانے فوج گا سربراہ جنرل اوپندر دیودی تین ملاقات کی تے کہیو کہ پہلگام دہشتگردانہ حملہ غا ذمے داراناں نانہہ انصاف غا کٹھگرا مانہہ لان واسطے موثر اقدامات کیا جیں تے کہیو کہ جہیڑا لوک اس حملہ مانہہ شامل ہیں یا مدد گار ہیں انہاں نانہہ وی سزا دتی جے غی۔
۲. وزیر اعلیٰ عمر عبداللہ نے حالیہ واقعات غے پیش نظر کابینہ وزرا نانہہ بھارت غا بکھ بکھ بڑا شہراں مانہہ پیجن غی ہدایت کی ہے تانجے جموں کشمیر گا رہائشیاں خاص طور و طلباء غی سلامتی تے پہلانی بہتری نانہہ یقینی بنایو جاسکے۔
۳. بانڈی کشمیر گا اجس علاقہ مانہہ جاری جھڑپ غے دوران لشکر طیبہ غا دہشت گرد گو ساتھی ہلاک ہو گیو ہے کاروائی اجیں جاری ہے۔
۴. روز گار میلہ ہلک جموں گا کنونشن ہال مانہہ منعقد وے گو۔ وزیر اعظم مجازی طور و خطاب کریں غا۔

LG ARMY CHIEF

لیفٹیننٹ گورنر منوج سنہانے فوج گا سربراہ جنرل اوپندر دیودی تین ملاقات کی۔ ایل جی نے جنرل دیودی تیں کہیو کہ پہلگام دہشتگردانہ حملہ غا ذمے داراناں نانہہ انصاف غا کٹھگرا مانہہ لان واسطے موثر اقدامات کیا جیں نال ہی دہشت گردی غا نیٹورک تے اُس گا پورا سسٹم نانہہ ختم کرن غی کوشش نانہہ تیز کریں گل بات غے دوران ایل جی نے کہیو کہ جہیڑا لوک اس حملہ مانہہ شامل ہیں یا مدد گار ہیں انہاں نانہہ وی سزا دتی جے غی۔ اس اعلیٰ سطح میٹنگ مانہہ حفاظت گا موجودہ حالات تے حکمت عملیاں گو جانزیو لیو گیو اس اجلاس مانہہ نارتھرن کمانڈ غا جی او سی ڈپٹی چیف آف آرمی سٹاف تے ۵۱ کور غا جی او سی سمیت اعلیٰ افسر شریک تھا۔

CM RAABITA HELPLINE

وزیر اعلیٰ عمر عبداللہ نے حالیہ واقعات غے پیش نظر کابینہ وزرا نانہہ بھارت غا بکھ بکھ بڑا شہراں مانہہ پیجن غی ہدایت کی ہے تانجے جموں کشمیر گا رہائشیاں خاص طور و طلباء تے کاروباری حضرات غی سلامتی تے پہلانی بہتری نانہہ یقینی بنایو جاسکے۔ یہ وزرا متعلقہ ریاستی حکومتاں سنگ ہم آہنگی کرینگا تانجے خدشات نانہہ دور کیو جاسکے۔ تے تحفظہ گو احساس مضبوط کیو جاسکے۔ وزیر اعلیٰ نے یقین دہانی کرائی جے جموں کشمیر حکومت اپنی عوام غے سنگ کھڑی ہے تے مرکز غے زیر انتظام علاقہ یعنی یوٹی غی حدود تیں باہر وی اپنا شہریاں غی حفاظت کرے گی اواں جموں کشمیر حکومت نے سرینگر مانہہ رابطہ دفتر مانہہ ٹیلیفون نمبر 18008900166 اور 24 گھنٹہ مفت ہیلپ لائن شروع کی ہے تانجے یوٹی تیں باہر تعلیم حاصل کرن آلاں طالب علماں گی حفاظت تے فلاح و بہبود نانہہ فوری مدد فراہم کی جاسکے۔

HM PAK NATIONALS

پہلگام دہشت گردانہ حملہ تین بعد بھارت نے پاکستانی شہریاں نانہہ دتا گیا ویزا منسوخ کردتا ہیں اُس تیں اگلے ہی دن اج وزیر داخلہ امت شاہ نے تمام ریاستاں گا وزراء اعلیٰ تیں گل بات کی تے ہدایت دتی کہ اپنی ریاستاں مانہہ موجود پاکستانی شہریاں غی شناخت کریں زرائع غے مطابق امت شاہ نے کہیو کہ ان پاکستانی شہریاں نانہہ جلد تیں جلد واپس پیجھیو جے۔ وزیر داخلہ اج دہلی مانہہ دریائے سنگھ گا پانی گا معاہدہ ور وی ایک اہم میٹنگ کریں گا۔

NHRC PEHALGAM

قومی انسانی حقوق کمیشن نے پہلگام جموں کشمیر مانہہ معصوم شہریاں گا نقل کی سخت مزمت کی ہے کمیشن نے کہیو کہ ہُن وقت آگیو ہے کہ دہشت گتدی مانہہ شامل لوکاں غے خلاف سخت کاروائی کی جے۔ کمیشن نے اُمید ظاہر کی ہے جے ملک ایسا تمام ضروری اقدامات کرے غو تانجے مجرماں نانہہ سزا ملے تے متاثرہ خانداناں نانہہ ہر ممکن مدد فراہم کی جاسکے۔

IGP DODA KISHTWAR

صوبائی کمشنر جموں رامیش کمار تے پولیس گا انسپکٹر جنرل جموں بھیم سین توٹی نے کل کشتواڑ تے ڈودہ گو دورو لاغے اُت امن قانون غی سورتحال گو جائیزو لیو ہے اُنہاں نے پولیس فوج تے سول انتظامیہ غا افسراں غی ایک میٹنگ منعقد کی میٹنگ غے دوران ضلع مانہہ حفاظتی انتظامات تے امن وقانون غی سورتحال غا مربوط جائیزہ ور زور دتو گیو تے ضلع مانہہ حفاظتی سورتحال نانہہ یقینی بنان ور زور دتو گیو بعد مانہہ صوبائی کمشنر نے سلاٹہ شری مچیل ماتا یاترہ بارے چل رہیا انتظامات گو وی جائیزو لیو۔

TERRORIST ASSOCIATE

ضلع بانڈی پورا غا بازی پورا علاقہ مانہہ جاری ایک انسداد دہشتگردی کاروائی غے دوران لشکر طیبہ تیں تعلق رکھن آلو دہشت گرد غو ساتھی الطاف لالی ماریو گیو کاروائی مخصوص خفیہ اطلاعات غی بنیاد ور بوئی فوج تے جموں کشمیر پولیس غی مشترکہ ٹیمیں نے علاقہ مانہہ تلاشی مہم شروع کی۔ مشتبہ مقام غے قریب جاتاں ہی دہشتگرداں نے فائرنگ شروع کی جس تیں بعد جھڑپ ہوئی۔ یاه کاروائی گھنہ جنگلاں مانہہ جاری ہے تے حفاظتی دستاں نے پورا علاقہ نانہہ کیرہ مانہہ رکھیو ہے۔ مزید تفصیلات غی اجیں اڈیک ہے۔

ROZGAR MELA JAMMU

نوجواناں نانہہ باختیار بنان تے روز گار غا مواقع فراہم کرن واسطے ایک اہم قدم غا طور ور پلک جموں گا کنونشن ہال سرکٹ ہاؤس مانہہ روز گار میلو منعقد کیو جے گو۔ اس موقع ور مختلف سرکاری نوکریاں واسطے منتخب امیدواراں غی تقرری غا خطوط دتا جیں غا وزیر اعظم نریندر مودی ویڈیو کانفرنسنگ غے ذریعے اس تقریب تیں خطاب کریں غا اس پروگرام مانہہ مرکزی وزراء پارلیمان گا اراکین تے دیگر اعلیٰ افسر شرکت کریں گا۔ اس بارے پیش ہے ایک رپوٹ۔

DRUG CONTROL RAMBAN

ضلع رام بن مانہ عوام غی صحت نانہ محفوظ بنان واسطے ڈرگ کنٹرول محکمہ نے منشیات گا استعمال غے خلاف اہم قدم چایو ہے۔ جلد ہی ایک ڈی ایڈیکشن مرکز قائم کیا جیں غا جت نشاہ غا عادی افراد نانہ مکمل مدد فراہم کی جے غی۔ اس مرکز مانہ لوکاں نانہ اس گل غی ترغیب دتی جے غی کسی طرح دباؤ گو مقابلو کریں

تے نشہ تیں بچیں اس بارے رام بن گا اسٹینٹ ڈرگ کنٹرولر سنجیو کمار گپتا نے اس طرح کہیو۔

COIN EXHIBITION

پرنسپل سیکرٹری برائے ثقافت برج موہن شرما نے تاریخ تے ورثہ غا شاندار جشن غا طور ور جموں گا کلا کیندر مانہ نایاب سکاں گی ۲ روزہ نمائش غو افتتاح کیو ہے۔ یاہ تقریب نایاب سکاں تے پُرانی کرنسی جمع کرن غا عالمی ہفتہ ۲۰۲۵ غا موقع ور منعقد کی گئی جس غو اہتمام کلا کیندر محکمہ ثقافت حکومت جموں کشمیر غے تحت کیو فنون بطیفہ غا شوقین مصور ورثہ گا جمع کنندگان تے معززین نے افتتاحی تقریب مانہ شرکت کی زرائع ابلاغ سنگ گل کرتا واں پرنسپل سیکرٹری ثقافت برج موہن شرما نے اس طرح کہیو۔

HANDICRAFTS AWARDS

دفتر برائے ترقیاتی کمشنر دستکاری وزارت ٹیکسٹائل نے باقار دستکاری اعزاز ۲۰۲۴ واسطے درخواست طلب کی ہیں ۰۳ سال تے اس تیں زیادہ عمر غا دستکار کم از کم ۰۱ سال غا تجربہ غے سنگ قومی اعزاز واسطے درخواست دے سکیں جدکہ ۰۲ براں غا تجربہ غے سنگ ۰۵ سال یا اس توں زیادہ عمر گا دستکار سلیپ گرو اعزاز غا اہل ہیں تے اس طرہ کل ۵۲ اعزاز سنگ نوازیو جیں گا سلیپ گرور اعزاز مانہ زیادہ توں زیادہ ۶ جدکہ ۹۱ قومی اعزاز غا زمرہ مانہ درخواست فارم جمع کران غی آکری تاریخ ۲۱ مئی ۲۰۲۵ رکھی گئی ہے دلچسپی رکھن آلا دستکار دستکاری خدمت سینٹر ور دستیاب ہیں۔ www.handicrafts.gov.in اکھنور سڑک جموں سنگ رابطو کرسکیں یا پھر
